

U ponedjeljak sastanak o migrantima u BiH

Zvezdić očekuje da u rješavanju pitanja migranata učestvuju svi nivoi vlasti, jer je to zadatak i obaveza društvene zajednice

Predsjedavajući Vijeća ministara BiH Denis Zvezdić zakazao je u ponedjeljak, 14. maja, sastanak Koordinacijskog tijela za pitanje migracija u BiH u vezi sa migrantima koji u posljednje vrijeme pristižu u BiH.

Zvezdić podsjeća da je Vijeće ministara BiH na 140. sjednici donijelo zaključak o izradi analize i plana budućeg djelovanja u vezi sa povećanim prilivom ilegalnih migranata, kao i o modelima i kapacitetima njihovog zakonskog i humanog prihvata i tretmana. Institucija ombudsmena za ljudska prava BiH je pozvana da hitno sačini i Vijeću ministara BiH dostavi Specijalni izvještaj o



stanju u oblasti migracija, s prijedlogom mjera i preporuka nadležnih organa. Ministarstvo sigurnosti BiH je zaduženo da za narednu sjednicu Vijeća ministara, uz Informaciju o ilegalnim migrantima, dostavi i Prijedlog odluke o formiranju privremenog operativnog štaba, u koji će biti uključeni predstavnici Ministarstva sigurnosti, Ministarstva za ljudska prava i izbjeglice, GP-a, Službe za poslove sa strancima, ombudsmeni i druge nadležne institucije sa svih nivoa vlasti u BiH.